

NÒVAS D'APRENE

Nòvaleta de l'establiment d'ensenhamant superior APRENE – n°5 – estiu de 2016



Aprene metrà en línia lo sit novèl aqueste estiu.

I traparetz encara mai d'aisinas per fer classa e d'entresenhas cap a la formacion e a la pedagogia de l'immersion.

L'adreça cambia pas : aprene.org.

Podretz tanben anar visitar [la maleta del Cirdòc](#) ont penjarem los trabalhs de nòstras PEE d'ongan.



Proposicions de correspondéncia

Pels regents interessats aquò's possible d'endralhar una correspondéncia dins lo quadre del projècte "Familhas de lengas" amb d'escoles interessadas : en Catalonha, amb l'escola Rafal Vell de Palma (Malhòrca), e en China, amb las escoles Freinet de Hangzhou e de Wuhan. Podètz contactar lo Xavi Ferré per mail : lo.xav.f@gmail.com



Un institut de l'escola modèrna en China

A la fin del mes de mai passat, lo nòstre Director foguèt convidat al simpòsi organizat per la naissença del centre chinés de cércas cooperativas de l'escola modèrna. Amb Olivièr Francomme e Pèire-Joan Laffitte, presentèt Calandreta e l'establiment APRENE.

L'interès dels chineses pel la pedagogia Freinet e per las solucions prepausadas per APRENE per formar los regents nos tòca. D'encontres novèls e de ligams se faràn per d'avenidor.



Formacion continua

Lo programa 2016-2017 de la formacion continua pels regents de Calandreta serà lèu validat e a posita sul sil del [CFPO](#) e de l'establiment [APRENE](#). Convidam los regents a lo consultar e a se marcar tre la dintrada de setembre en contactar lo [**despartament APRENE de Contunh.**](#)

L'establiment Aprene tancarà del 1ièr al 21 d'agost de 2016.

La còla tota vos desira de bonas vacanças : de repaus, d'encontres e de lectures occitanas